


# 《大乘起信論導讀》 補充講表

◎附表十七：糅合《大乘起信論講義》、《大乘起信論演義》、《大乘起信論講義述記》

○三重熏習：一、根本無明熏真如，則生起妄心。二、妄心再熏根本無明，現妄境界。

三、妄境界反熏妄心，起惑造業受苦。



○云何熏習，起淨法不斷？所謂以有真如法故，能熏習無明；

※《大乘起信論裂網疏》卷四云：「真如，指本識中無漏種子，及佛菩薩果中勝用。此二並順真如法性，故皆名真如也。種子內熏為因，諸佛菩薩外熏為緣；只此內因外緣，並不離於眾生現前介爾之心；以此心性，實無外故。以無始無漏種子，不離現前心性故。以十方諸佛菩薩。皆證眾生心性，不在眾生心性外故。言熏於無明者，一、是諸佛菩薩外熏：熏第六識及前五識，令其見色、聞聲、嗅香、讀誦，身蒙光照，或手摩頭，或衣覆體，意識領受，以此現行熏成種子。二、是無漏種子內熏：令其信受，不疑不謗也。令妄念心厭生死苦、求涅槃樂者，即是起於有漏聞思修慧也。以此妄心厭求因緣，復熏真如者，謂有漏聞思修慧，內則增長無漏種子勢力，外則感扣諸佛菩薩慈悲也。自信己身有真如法等者，信成就發心也。以能如是如實知故等者，解行發心也。無所分別等者，證發心也。無明滅故，心

相不起等者，證佛根本智也。成就種種差別業用者，證佛後得智也。」

◆真如熏習義，有二種。云何為二？一者、自體相熏習，二者、用熏習。

※《大乘起信論裂網疏》卷四云：「阿賴耶中本具無漏種子，即我心真如之體；內因欲發，名為體熏。諸佛菩薩果上慈悲大用，即我心真如之用；外緣資助，名為用熏也。」

◆凡內外字，皆隨情說，並不在心外也。

◆自體相：自即本也。體：謂眾生本具無漏法身理體，亦即正因佛性。相：謂自性本具無漏功德之相，亦即稱性功德。此二俱屬真如，能為眾生作內熏之因。用：謂法身業用，能為眾生，作外熏助緣。

○自體相熏習者，從無始世來，具無漏法，備有不思議業，作境界之性。

◆此明真如內熏義。具無漏法者，謂不空本覺體中，具足無量性功德相。即此體相，名無漏法，有冥熏眾生作用，非物能了，故云：備有不思議業。此屬佛性，又非但能熏眾生

妄心，令起厭求，成能觀智；亦能與彼觀智，作所觀境界性（隨緣生起一切境界，因境界沒有本體，而以真如為本體）。

○問曰：若如是義者，一切眾生悉有真如，等皆熏習。……勤修方便，等入涅槃。

※《大乘起信論裂網疏》卷四云：「問意有二：一者同有真如，則不應有信不信。二者等

皆熏習，則應一時發意，一時修行，乃至一時涅槃，不應復有前後，尤不應有退與不退，三乘一乘，若漸若頓，無量差別也。」

○答曰：真如本一，而有無量無邊無明，從本已來……前後無量差別，唯如來能知故。

※《大乘起信論裂網疏》卷四云：「無明厚，則信心難生；無明薄，則信心易發。煩惱厚

則難斷，煩惱薄則易除。而無明煩惱，又各有界外界內之不同，故唯如來能盡知也。」

○又諸佛法，有因有緣，因緣具足，乃得成辦……能自斷煩惱，入涅槃者，則無是處。

※《大乘起信論裂網疏》卷四云：「木中火性，譬賴耶中無漏種也。若無人知，譬不遇善

知識緣也。不施功，譬不修勝行也。出火，譬生智慧也。燒木，譬斷煩惱，壞和合識也，法合可知。」

○若雖有外緣之力，而內淨法未有熏習力者……示教利喜，乃能進趣向涅槃道。

※《大乘起信論裂網疏》卷四云：「有熏習力者，一、無始本住種性熏，二、積劫聞所成種熏，此二皆名為內因也。諸佛菩薩慈悲攝護者，一、平等緣攝護，二、差別緣攝護，此二皆名為外緣也。須知必要差別攝護及聞所成種熏，方能展轉增其勝因勝緣，以至成佛入大涅槃耳。」

○用熏習者，即是眾生外緣之力。如是外緣，有無量義……一者、差別緣，二者、平等緣。

※《大乘起信論裂網疏》卷四云：「今由不二而二，乃得論用熏也。又由無二即無不二，所以有差別緣。由無不二即是無二，所以有平等緣。又由有差別緣，故佛不能度無緣者。有平等緣，故佛度生終不休息也。」

○差別緣者，此人依於諸佛菩薩等，從初發意：能令眾生增長善根，若見若聞，得利益故。

◆若見若念，約眾生為能見能念，為能感之因；約諸佛菩薩為所見所念，為所感之緣。

◆即如來及菩薩等所有形像，令人憶念瞻禮，並屬真如用熏。良以三身宛然，四德無減故。

※《成唯識論觀心法要》卷十云：「自性身如濕性，自受用身如水，他受用及變化身如波。

自性身如月體，自受用身如圓滿白月，他受用及變化身如千江月影。

觸波之時，全觸水濕。睹月影時，便睹光體。是故智者觀於土木等像，

三身宛然，四德無減。以是如來大悲大智，遍入眾生心想，仗因托緣，

而顯現故。因緣所生，即空假中。無有微塵許法，出於法界外故，皆

非遍計所行境故，如彼愚小，計繩為蛇，而繩未嘗不即麻故。」

※《楞伽經義疏》卷一之中云：「有應化處，即有法身功德。故荆溪云：泥木之像，性遍

虛空；三身宛然，四德無減。況復化身，那得與法報異耶！」